

poteſt Th. Barthol. Tr. de medicina Danorum, vt pinum, iuniperum & alia taceamus.

Signaturæ etiam speciem præbent a brutis ſuggeſta. Cum enim ſenſualibus horum ideis natura magis vim dignoscendi vtilia vel inutilia ac noxia largita fuerit, viſa a brutis quæri vel comedи, vel viſurpari ad corpus humanum applicata ceflerunt in remedia homini, vnde & nomina ſæpe plantis a brutis indita ſunt, vt chelidonium, mentha cattaria, ceruaria, melissa, ſerpentaria & ſimilia; licet quædam etiam falla ſint, vt de chelidonio narrata. Sic & operationes alia a brutis ſuggeſta fuere, punctio oculi a capra, vomitoria a canibus; clyſteres ab ibi, quos hinc *Helmontius* vilipendit, tanquam ab aue iuuentos. Sic diectamni a ceruis monſtratus fertur viſus in extrahendis ſagittis. Sic plantaginis viſ alexipharmacæ contra araneas a bufone innotuit; sic paſſeres Canarii aliſne purgantur &c.

Non memorabimus alia huius generis plura; Referri tamen etiam huc merentur alia cognoscendi remotiora principia. Conſtat enim & virtutes herbarum inuentas vel primo manifestatas fuiffe per inſomnia, quale exemplum de radice cynorrhodi contra canis rabidi morbum recenſet *Plinius l. 25. c. 2.* per *Demones*, vti exemplum de hyperico hanc in rem inſigne refertur a *Scipione Mercurio l. de obstetricum officio, edito a Welschio, f. 2. c. 38. p. 551.* quorū etiam priſtina oracula ſpectant, imo & diuinitus maniſtata, vt fiſcum in bubonibus peſtil. viſus, fellis viſus ophthalmicus; per foruitos caſus, quo pacto plurimæ innotuere plantæ traumaticæ; per traditiones ſuccesſiuas certarum vel indefinitarum familiarum, vti in aulis, apud vulgus, & hinc inde exempla toto die occurruunt, modo medicus dogmaticus illa penſitet, & experimentis rationem addat.

## LIBRI I. SECTIO I. CAPVT V.

### *Cognoscendis facultatibus ex odore.*

**S**ed pergiimus ad odores, cognitionem intimiorem inprimis etiam largientes. Odores vero vel a priori occurruunt, ſola odora-

tui per se patentia, modo naribus admoueantur; vel a posteriore, si accendantur, terantur, soluantur, exemplo sulphuris & antimonii. Vti vero certum alias est, acida ligare sulphur; ita arbitrari licet, vbiunque sulphur copiosum inest, neque tamen narres ferit, inibi illud ipsum ligatum esse compedibus acidi, quod tum laudatorum antimonii & sulphuris, tum arsenici, succini, cinnabaris, & ipsorum metallorum exemplo patet; insimul vero intellectus inde colligit, quandoquidem sulphur non est pansum, sed ligatum, aliud non docente sapore aliisque, talia pro ratione mixtura & graduum, ad calorem nostrum relata, minus eundem rarefacere, sed non refrigerare tamen æque, resoluere, præcipitare, mitigare acidum, vt in seqq. id specialius eruemus. Sunt enim quædam inodora, ob acrimoniam tamen insigniter calida, vt pyrethrum, lepidium.

Odorifera vero explicite, qua talia, calida sunt, seu confimilem effectum in corpus nostrum inferunt. Quatenus enim particulis tenuibus aereis constant & mercurialibus, omnino in corpus illata calida æstimanda sunt. Modificant vero, vt in exemplis claret, adiuncta alia, & textura particularum; & sermo potissimum est de plantis & simplicibus aliis, minus de præparatis, vnde acetum quidem refrigerat, non tamen odor nisi a sulphure etiam in hoc arcessendus est.

Cumque maiorem quantitatem particularum mercurialium & sulphurearum rarefactarum odor intensior inferat, hinc cum in aromatibus omnibus & plantis odoratis odor talismodi eximius sit, omnia oromata & omnes plantæ odoriferae aromaticæ, rosmar. salii, & aliæ cephalicæ sunt calidæ.

Sic & ratione intensionis id valet; quo magis remissa & immersa sunt particulae sulphureæ aliis, terreis, aquæis, acidis, eo minus prædominatur & calefacit; vbi vero contrarium accidit, ipsæq; per omnia præpollent, odore etiam caliditas se prodit maior.

Omnis odor ab expanso sulphure est, seu partes aereæ salinæ volatiles id præstent eminenter, seu concentratæ vna & copiose adsint rescidæ resinose particulae, id quod balsamicum vocamus. Prius occurrit in violis, rosis, plantis cephalicis; alterum in rosmarino, nuce moschata, succino.

Sale

Sale volatili oleoso pollentia inter odorata præcipue refectiua sunt, aptata quippe principiorum vitalium dispositioni; quatenus enim oleosa, restaurant calidi substantiam; quatenus volatilia salina, eiusdem qualitatem & rarefactionem. Similia enim similibus gaudent. Fœtida vero a sulphure impuro corrupto, terreo, aquoso, verbo, viroso, cordi & spiritibus inimica, quod abhorreant eadem, auersentur, & ipsorum texturæ, puritati, luci sint contraria.

Fœtida sunt duplicis differentiæ: alia virosa generatim iam appellata, quæ & fœminis & maribus sunt aduersa; alia vero cum salis volatilis prædominantis miscela; vtraque vero opposita sunt suaveolentibus. Suaveolentia ergo fœminis aduersa sunt, nimirum hystericas, vbi particulæ fermentatiæ, biliosæ, acres, acidæ in sero & sanguine latitant; turbant enim spiritus iam dum obrutos, & laxioris compagis, mouent, non promouent, non dissipant. Fœtida ergo, vbi sal volatile prædominatur, vel in sulphure minus resolubili efficax tamen est, hystericas solantur, quatenus dissipant, putredini resistunt, sulphur impurum in massa sanguinea & deturpatum vigorant, quod priora adaugendo magis nauseabundum vel archeo reddunt.

Putredini etiam hæc resistunt, sulphur enim vigorant, serum in motum cident & à vappescentia & ichorescentia arcent, insestis omnibus sunt mortifera, aerem malignum arcent vel alterant.

Vrinosæ volatilia salia penetrantissima sunt & sulphuris viscidinem explicant, vnde poros obstruere non sinunt. Quæ enim sulphure resolubili pollut, obstruunt poros, quibus & vrinosæ & acida sunt opposita.

Vaporosæ, virosæ vel quasi, grauant caput, spiritus illigando & obtubilando, vnde torpor & dolor grauatiuū obortitur, effluuiis consimilibus repleta lympha. Pertinet huc absinthium, umbra taxi, iuglandis, imo camphora ipsa, vnde quiriatoris sunt texturæ, quibus caput est debile, camphoram minus ferunt.

Sulphura pura analeptica & refectiua sunt; Est enim calidum in-

innatum nostrum de natura sulphuris; impurum vero, indigestum, virosum sulphur potius contrarium efficit. Hinc plantæ perpetuo virentes, cedrus cum primis, ad vitam longam commendantur. Sic & de vino aliisque id valet,

Sulphur particulis gaudet viscidis, temperatis, roscidis, vnde ut acidum sulphuri, ita sulphur acido est contrarium, spicula salina obtundit in genere, inuiscat, partes vero solatur, blande fouet, emollit; cinnabarina optime rem illustrant.

Sulphure & sale acriusculo prædita præbent stimulum, & motum humoribus, vt de emeticis & purgantibus infra latius agetur.

Resinosa opposita sunt gummosis & mucilaginosis; Gummosa proprie dicta, tragac. g. arab. g. ceras. rad. symph. sunt frigida, incrassantia, resinæ & gummi-resinæ calida. Aptæ enim nata sunt omnia oleosa augere, si non intendere, sulphur corporis. Balsamica talia sunt gummi-resinæ pleraque.

Mucilaginosa sulphure gaudent aquoso, minus æthereo, blando; adeoque refrigerant. Talia sunt fructus quoque, nucum iuglandium, auellanarum, antiquaticarum, amygdala ducia, sem. 4. frig. mai. papau. &c. vnde in hecticis conueniunt.

Odore & sapore se produnt antiscorbutica, quæ sale volatili gaudent, vt rad. ari, lepidium, sinapi, fol. & herba cochlear. nasturt. omne raph. rusticanus, sedum minus, costus arab.

Aromatica prædicantur principaliter de aromatibus ipsis notis, pipere, caryoph. maci, cinam. &c. adequate de his analogis vel quasi talibus, vt sunt bacca lauri, iuniperi, plantæ cephalicæ, pectorales, vterinæ &c. aromaticæ. Hæc omnia motum sanguinis promouent, eumque rarefaciunt, incident, attenuant.

## LIBRI I. SECTIO I. CAPVT VI.

### *Cognoscendis facultatibus e sapore.*

VT primum sapidum est sal, ita ad huius prædominium & statutum mixturæ dignoscendum cum primis facit sapor. Utque salinum